

4. gr.

Stundakennarar hafa einungis starfsskyldur tengdar kennslu. Um starfsskyldur og kjör þeirra gilda að öðru leyti reglur menntamálaráðuneytisins frá 7. febrúar 1991 um stundakennara við Kennaraháskóla Íslands.

5. gr.

Í því samhengi sem hér um ræðir er *kennsla* bein og óbein samskipti við nemendur. Kennsla getur verið staðbundin innan veggja skólastofunnar (staðkennsla) eða óbundin stað og stund og þá framkvæmd með hjálp fjölbreytilegrar samskiptatækni (fjarkennsla). Leiðsögn við nemendur flokkast sem kennsla. Þegar kennsla er skilgreind sem hluti af starfsskyldum kennara við Kennaraháskóla Íslands er átt við allan þann tíma sem kennarar nota við undirbúning, framkvæmd og mat á námi og kennslu. Sérstakar reglur gilda um útreikning á vinnu vegna kennslu.

6. gr.

Þegar rætt er um *stjórnun* sem hluta af starfsskyldum kennara er átt við ýmis störf sem ekki falla beinlínis undir kennslu eða nýsköpun þekkingar, svo sem þátttöku í almennum fundum, viðtalstíma sem ekki tengjast kennslu í ákveðnum námskeiðum, minniháttar nefndarstörf fyrir skólann o.s.frv.

7. gr.

Við Kennaraháskóla Íslands eru unnin störf af mismunandi toga sem geta fallið undir samheitið *nýsköpun þekkingar*. Um er að ræða rannsóknir, þróunarverkefni, listsköpun og ýmiss konar hönnunarverkefni. Alhliða starfsmenntaháskóli á sviði kennslu, þjálfunar, uppeldis og umönnunar hefur á að skípa fjölbreytilegri sérfræðiþekkingu og því til staðfestu er reynt að fella þessi verk undir eitt heiti. Kennurum ber að gera grein fyrir verkefnum sem tengjast nýsköpun þekkingar einu sinni á ári.

Reglur þessar öðlast þegar gildi.

Kennaraháskóla Íslands, 15. desember 1999.

Þórir Ólafsson.

Ólafur Proppé.

REGLUR

um kjör fulltrúa kennara í háskólaráð, deildarráð og skorarstjórnir við Kennaraháskóla Íslands.

I. KAFLI

Kjörnefnd.

1. gr.

Háskólaráð skipar þriggja manna kjörnefnd til tveggja ára í senn. Skipunartími kjörnefndar miðast við áramót.

2. gr.

Kjörnefnd sér um og er ábyrg fyrir framkvæmd kosninga á fulltrúum kennara í háskólaráð, deildarráð og skorarstjórnir og þeim kosningum öðrum sem háskólaráð felur nefndinni.

II. KAFLI Háskólaráð.

3. gr.

Kjörgengi og kosningarétt við kjör á fulltrúum í háskólaráð hafa allir kennarar sem ráðnir eru ótímabundið við skólann.

4. gr.

Kjósa skal fjóra fulltrúa í háskólaráð og fjóra til vara. Þeir fjórir sem flest atkvæði hljóta teljast aðalmenn og næstu fjórir verða varamenn í samræmi við atkvæðamagn.

5. gr.

Fulltrúar í háskólaráð eru kosnir til tveggja ára í senn. Kjörtímabil háskólaráðs miðast við 1. ágúst. Kjör fulltrúa í háskólaráð fer fram í aprílmánuði.

6. gr.

Fulltrúar í háskólaráði geta ekki gegnt störfum deildarforseta og skorarstjóra eða setið í deildarráðum.

7. gr.

Kjósa skal fulltrúa í háskólaráð á almennum fundi kennara sem ráðnir eru ótímabundið við skólann. Eina málið á dagskrá fundarins er kosningar. Kjörnefnd skólans auglýsir fundinn með a.m.k. fjögurra vikna fyrirvara.

8. gr.

Kjörnefnd auglýsir eftir framboðum í háskólaráð með a.m.k. fjögurra vikna fyrirvara. Framboðsfrestur miðast við tvær vikur fyrir fund þar sem kjör fer fram. Að loknum þeim fresti skal kjörnefnd auglýsa hverjir eru í framboði og boða til kynningarfundar.

9. gr.

Kosningar skulu vera leynilegar. Á kjörseðli eru einungis nöfn þeirra sem tilkynnt hafa framboð sitt með áðurgreindum fyrirvara. Kjörseðill er ógildur ef merkt er við fleiri en sem nemur þeim aðalmönnum sem kjósa á hverju sinni.

10. gr.

Kjörnefnd skólans leggur fram kjörskrá eigi síðar en fjórum vikum fyrir fund þar sem kjör fer fram. Kjörnefnd útbýr kjörgögn, stýrir kjöri og birtir niðurstöður kosninganna.

III. KAFLI Deildarráð og skorarstjórnir.

11. gr.

Kjörgengi og kosningarétt við kjör á fulltrúum í deildarráð og skorarstjórnir hafa allir kennarar sem ráðnir eru við skólann í hálfri starf eða meira og eiga sæti á viðkomandi deildar- eða skorarfundi samkvæmt reglum um deildar- og skorarskipan við Kennaraháskóla Íslands.

12. gr.

Kjósa skal aðalfulltrúa kennara og jafnmarga varafulltrúa. Kjósa skal þrjá aðalfulltrúa í hvort deildarráð, fjóra aðalfulltrúa í skorarstjórn grunnskólaskorar og tvo í aðrar skorarstjórnir. Þeir sem flest atkvæði hljóta teljast aðalmenn og þeir sem næstir koma að atkvæðamagni verða varamenn.

13. gr.

Fulltrúar í deildarráð og skórarstjórnir eru kosnir til tveggja ára í senn. Kjörtímabil deildarráða og skórarstjórna miðast við 1. ágúst. Kjör fulltrúa í deildarráð og skórarstjórnir fer fram í apríl- eða maímánuði.

14. gr.

Kjósa skal fulltrúa í deildarráð og skórarstjórnir á deildar- og skórarfundum. Eina málið á dagskrá fundanna er kosningar. Kjörnefnd skólans auglýsir fundina með a.m.k. tveggja vikna fyrirvara.

15. gr.

Þegar kjör hefur farið fram í háskólaráð auglýsir kjörnefnd eftir framboðum í deildarráð og skórarstjórnir. Framboðsfrestur miðast við eina viku fyrir fund þar sem kjör fer fram. Að loknum þeim fresti skal kjörnefnd auglýsa hverjir eru í framboði.

16. gr.

Kosningar skulu vera leynilegar. Á kjörseðli eru einungis nöfn þeirra sem tilkynnt hafa framboð sitt með áðurgreindum fyrirvara. Kjörseðill er ógildur ef merkt er við fleiri en sem nemur þeim aðalmönnum sem kjósa á hverju sinni.

17. gr.

Kjörnefnd skólans leggur fram kjörskrá eigi síðar en fjórum vikum fyrir fund þar sem kjör fer fram. Kjörnefnd útbýr kjörgögn, stýrir kjöri og birtir niðurstöður kosninganna. Reglur þessar öðlast þegar gildi.

Kennaraháskóla Íslands, 15. desember 1999.

Pórir Ólafsson.

Ólafur Proppé.

REGLUGERÐ

um löggiltar iðngreinar.

1. gr.

Löggiltum iðngreinum er skipað í iðngreinaflokka sem hér segir:

<i>Bygginga- og mannvirkjagreinar:</i>	bifvélavirkjun
húsasmíði	bílamálun
húsgagnabólstrun	<i>Hönnun, listir, handverk:</i>
húsgagnasmíði	feldskurður
málaraiðn	glerslípun og speglagerð
múraraíðn	gull- og silfursmíði
pípulagnir	hattasaumur
veggfóðrun	hljóðfærasmíði
<i>Farartækja- og flutningsgreinar:</i>	kjólasaumur
bifreiðasmíði	klæðskurður karla